

Siunnersuummut nassuiaatit

Nalinginnaasumik nassuiaatit

1. Aallaqqaasiut

Partiit, kattusseqatigiit attaviitsullu Inatsisartuni sulinerannut pisortanit tapiissutit iluarsineqarnissaat Siulittaasoqarfiup pisariaqartippaa.

Tapiissutit 2006-ip kingorna iluarsiiisuteqarfigineqarsimanngillat. Piffissap ingerlanerani kisitsisip atuisartunut akigitinneqartunut iluarsiiisutaasartup ineriartorneratigut tapiissutit naleerukkiartorsimapput. Ukiumut tapiissutit nalingi piffissami 30 %-ingajammik annikilleriarsimapput. Tamanna tunngavigalugu Siulittaasoqarfiup nalilerpaa tamanna illuatungilerniarlunga tapiissutit qaffanneqarnissaat pisariaqartoq.

Peqatigitillugu Siulittaasoqarfik isumaqarpoq tapiissutit siunissami Kalaallit Nunaanni kisitsit akinut iluarsiiisutaasartooq malillugu iluarsineqartariaqartut, tapiissutit ukiut ingerlanerini naleerukkiartornissaat pinngitsoortinniarlugu.

2. Siunnersuummi immikkoortut pingaarnerit

Inatsisissatut siunnersuutikkut partiit, kattusseqatigiit attaviitsullu Inatsisartuni sulinerannut pisortat tapiissutaat qaffanneqassapput.

Malittarisassat atuuttut malillugit partiit kingullermik qinersinermi Inatsisartuni qinikkanik sinniisuutitaqalersut partiip naalakkersuinikkut sulineranut ukiumut 650.000 kr.-inik tunngaviusumik tapiissummik, tamatumalu saniatigut partiip qinigaatitaanut ataatsimut 210.000 kr.-inik annertussusilinnik qinikkatut tapiissutisisinnaatitaapput.

Partiit Inatsisartunut qinersinermi kingullermi Inatsisartunut qinigaatitaqanngitsoortoq, kisiannili kingusinnerusukkut ilaasortap ataatsip ilaasortalluuniit arlallit sinniisuuffigissallugu nuuffigisaat qinikkanut tapiissutisisinnaatitaavoq, partiip ilaasortaatitaanut ataasiakkaanut tamanut ukiumut 210.000 kr.-iusumik.

Ilaasortat partiimiit kattusseqatigiinnilluunniit qinigaasimasut partiimit kattusseqatigiinnilluunniit tunuartut ("attaviitsut") taamatutaaq ukiumut qinikkamut 210.000 kr.-inik tapiissutisisinnaatitaapput.

Siunnersuutip malitsigisaanik tunngaviusumik tapiissutit qinikkanullu tapiissutit 30 %-ingajammik qaffassapput. Tunngaviusumik tapiissutit taamaalillutik ukiumut 850.000 kr.-inngussapput, qinikkamut ataatsimut ukiumut tapiissutit 275.000 kr.-inngortut.

Siunnersuutip malitsigissavaattaq tapiissutit siunissami qaammatisiutit ukiuisa aallartinneri tamaasa iluarsineqartalissammata, siullermik 2019-imi.

Inatsisissatut siunnersuut inatsimmut atuuttumut sanilliullugu	
Oqaasertaliussat atuuttut	Inatsisissatut siunnersuut
	<p>§ 1</p> <p>Naalackersuinikkut sulinermit aningaasatigut tapiissuteqartarneq pillugu Inatsisartut inatsisaanni nr. 1-imi, 31. maj 2001-imeersumi, ilaatigut Inatsisartut inatsisaatigut nr. 8, ulloq 1. juni 2006-imeersukkut, Inatsisartut inatsisaatigut nr. 25, ulloq 18. november 2010-meersukkut, kingullermillu Inatsisartut inatsisaatigut nr. 4, ulloq 3. juni 2015-imeersukkut allanngortinneqartumi, makku allanngortinneqassapput:</p>
<p>§ 2. Naalackersuinikkut suliniaqatigiiffik, partii, Inatsisartuni qinikkanik sinniisoqartoq partiip naalackersuinikkut sulineranut ukiumut 650.000 kr.-inik tunngaviusumik tapiissummik kiisalu partiip qinigaatitaa ataaseq 210.000 kr.-inik annertussusilinnik qinikkatut tapiiffigineqarsinnaatitaapput.</p> <p><i>Imm. 2.</i> Imm. 1-imi taaneqartutut Inatsisartut ilaasortaanut partiit avataatigut qinigaasunut imaluunniit kattusseqatigiit sinnerlugit qinigaasunut tunngaviusumik kiisalu qinikkamut tapiissuteqartoqarsinnaavoq.</p> <p><i>Imm. 3.</i> Inatsisartuni ilaasortat kattusseqatigiillutik arlaliullutik qinigaasimappata naalackersuinikkut suliniaqatigiiffimmut partiimut sinniisutulli</p>	<p>1. § 2, imm. 1, ima oqaasertaqassaaq: ” Naalackersuinikkut suliniaqatigiiffik, partii, Inatsisartuni qinikkanik sinniisoqartoq partiip naalackersuinikkut sulineranut, ukiumut 850.000 kr.-inik tunngaviusumik tapiissummik kiisalu partiip qinigaatitaa ataaseq 275.000 kr.-inik annertussusilinnik qinikkatut tapiissutisisinnaatitaapput. Tunngaviusumik tapiissutit qinikkamullu tapiissutit Kalaallit Nunaanni kisitsit akinut iluarsisissutaasartooq naapertorlugu, taamaattorli koruuninut 100-mik aggorneqarsinnaasunut qaninnerpaanut akunnaallisillugu, qaammatisiutit ukiuata aallartinnerani ukiumut ataasiarlugu iluarsineqartassaaq. Iluarsisissuteqarneq siulleq 2019-imi pissaaq.”</p>

<p>ilaasortat naalackersuinikkut sulinerannut kattusseqatigiinnut taamatut ataatsimoortumik tapiissuteqartoqassaaq. <i>Imm. 4. [...]</i></p>	
<p>3a. Naalackersuinikkut suliniaqatigiiffik, partii, Inatsisartunut qinersinermi kingullermi Inatsisartunut qinigassanngortinngitsoq qinigaatitaqanngitsorluunniit, kisiannili kingusinnerusukkut Inatsisartunut ilaasortap ataatsip ilaasortalluunniit arlallit sinniisuuffigissallugu nuuffigisaat, partiip Inatsisartuni naalackersuinikkut sulineranut tapiissutisisinnaatitaavoq. Tapiissut partiip ilaasortaatitaanut ataasiakkaanut tamanut ukiumut 210.000 kr.-iuvoq. <i>Imm. 2.</i> Imm. 1 malillugu tapiissutit ukiumi partiip sinniisuutitaqalernerani ukiumoortumik tapiissutit ilaattut, qaammatip partiip sinniisuutitaqalerfiata naanerani naatsorsorlugit, tunniunneqartassapput. <i>Imm. 3.</i> Partiip sinniisaa § 4 malillugu, pineqartoq partiimut sinniisuuffigilikkaminut nuutsinnagu, attaviitsutut tapiissutisisimappat, qinikkamut pineqartumut partii qinigaatitamut tapiissutisisinnaanngilaq piffissamut sinniisuutitarilikkap § 4 malillugu tapiissutisiffigisimasaanut.</p>	<p>2. § 3 a, <i>imm. 1</i>, ima oqaasertaqassaaq: ” Naalackersuinikkut suliniaqatigiiffik, partii, Inatsisartunut qinersinermi kingullermi Inatsisartunut qinigassanngortinngitsoq qinigaatitaqanngitsorluunniit, kisiannili kingusinnerusukkut Inatsisartunut ilaasortap ataatsip ilaasortalluunniit arlallit sinniisuuffigissallugu nuuffigisaat, partiip Inatsisartuni naalackersuinikkut sulineranut tapiissutisisinnaatitaavoq. Tapiissut partiip ilaasortaatitaanut ataasiakkaanut tamanut ukiumut 275.000 kr.-iuvoq. Tapiissutit Kalaallit Nunaanni kisitsit akinut iluarsisutaasartoq naapertorlugi, taamaattorli koruuninut 100-mik aggorneqarsinnaasunut qaninnerpaanut akunnaallisillugu, qaammatisiutit ukiuata aallartinnerani ukiumut ataasiarlugu iluarsineqartassaaq. Iluarsiissuteqarneq siulleq 2019-imi pissaq.”</p>
<p>§ 4. Inatsisartuni ilaasortaq partiimiit kattusseqatigiinnilluunniit qinigaasimasoq partiimit kattusseqatigiinnilluunniit tunuartoq Inatsisartuni naalackersuinikkut sulinerminut tapiissutisisinnaatitaavoq. Tapiissut angissuseqarpoq ukiumut 210.000</p>	<p>3. § 4, <i>imm. 1</i>, ima oqaasertaqassaaq: ” Inatsisartunut ilaasortaq partiimiit kattusseqatigiinnilluunniit qinigaasimasoq partiimit kattusseqatigiinnilluunniit tunuartoq Inatsisartuni naalackersuinikkut sulinerminut tapiiffigineqarsinnaatitaavoq. Tapiissut</p>

<p>kr.-inik. Imm. 2. Imm. 1 malillugu tapiissutit tunniunneqartassapput ukiumi partiimit kattusseqatigiinnilluunniit tunuarfiusumi qaammammit partiimit kattusseqatigiinnilluunniit tunuarfiup naaneraniit agguaqatigiissillugu ukiumoortumik pisassat tunngavigalugit. <i>Imm. 3. [...]</i></p>	<p>ukiumut 275.000 kr.-iuvoq. Tapiissutit Kalaallit Nunaanni kisitsit akinut iluarsiiissutaasartog naapertorlugu, taamaattorli koruuninut 100-mik aggorneqarsinnaasunut qaninnerpaanut akunnaallisillugu, qaammatisiutit ukiuata aallartinnerani ukiumut ataasiarlugu iluarsineqartassaaq. Iluarsiiisuteqarneq siulleq 2019-imi pissaaq.”</p>
	<p style="text-align: center;">§ 2</p> <p>Inatsisartut inatsisaat ulloq 1. januar 2018 atuutilerpoq.</p>

3. Pisortanut aningaasatigut allaffissornikkullu kingunerisassai

Siunnersuutip aningaasatigut kingunerisassai eqqarsaatigalugit apeqqutaavoq partiit, kattusseqatigiit attaviitsullu qassit kingullermik qinersinermi Inatsisartuni sinniisuutitaqalernersut.

Qaammatisiutit ukiuanni kingullermi tapiissutit tamarmiusut 9.900.000 kr.-iupput, partiinut tallimanut attaviitsunullu marlunnut agguarlugit. Inatsisartut taamatut katitigaatillugit siunnersuutikkut tapiissutit tamarmiusut 12.775.000 kr.-iussagaluarpud.

Massakkorpiag partiit sisamat Inatsisartuni sinniisuutitaqarput attaviitsorlu ataasiulluni. Taakku malittarisassat atuuttut malillugit ukiumut katillugit 9.110.000 kr.-inik tapiissutisisinnaatitaappud. Inatsisartut taamatut katitigaatillugit siunnersuutikkut tapiissutit tamarmiusut 11.925.000 kr.-iussagaluarpud

Siunnersuutip allaffissornikkut kingunerisassai eqqarsaatigalugit, tamatumunnga partiit il.il. tapiissutit qaffariaataannik qanoq atuinerat apeqqutaassaaq. Parteeqarpat kissaateqartunik partiip allaffeqarfiani sulisut amerlineqarnissaannik, naatsorsuutigineqartariaqarpoq tamanna aallaavittut allaffiit amerlanerusut pisariaqartinneqalernerannik malitseqassasoq. Inatsisartut ullumikkut taama pisariaqartitsinermik matussusiisinnaasumik allaffeqanngillat atorneqarsinnaasunik.

Partiini sulisut amerlisinnaanerat eqqarsaatigalugu siusinnerusukkut misilittakkat takutippaat tamatumani ilaasortat siunnersuutaasa § 37-ilu naapertorlugu apeqqutaasa amerlanerulernissaat naatsorsuutigineqarsinnaasoq, taamalu aamma toqqaannanngikkaluartumik naalakkersuisoqarfinni Inatsisartullu Allattoqarfianni nukissanik atuisoqarnerulersinnaalluni. Ilaasortat siunnersuutaasa

amerlanerulernerat taamatutaaq ataatsimiinnerit sivisussusigisartagaat eqqarsaatigalugit sunniuteqarsinnaavoq.

4. Inuussutissarsiortunut aningaasatigut allaffissornikkullu kingunerisassai

Inuussutissarsiortunut aningaasatigut allaffissornikkullu kinguneqarnissaa naatsorsuutigineqanngilaq.

5. Avatangiisinut, pinngortitamut innuttaasullu peqqissusiannut kingunerisassai

Inatsisissatut siunnersuut avatangiisinut, pinngortitamut innuttaasullu peqqissusiannullu kinguneqassanngilaq.

6. Innuttaasunut kingunerisassai

Inatsisissatut siunnersuut innuttaasunut kinguneqassanngilaq.

7. Kingunerisassai pingaarutillit allat

Inatsisissatut siunnersuut allatigut pingaarutilinnik kinguneqassanngilaq.

8. Oqartussanik suliniaqatigiiffinnillu il.il. tusarniaaneq

Inatsisissatut siunnersuut tusarniaatigineqarsimannilaq. Tamatumunnga pissutaavoq siunnersuummi partiit, katusseqatigiit attaviitsullu Inatsisartuni sulinerannit pisortat tapiissutit taamaallaat pineqarmata.

Aalajangersakkanut ataasiakkaanut nassuiaatit

§ 1-imut

Nr. 1-imut

Partiinut katusseqatigiinnullu kiisalu ilaasortanut partiit avataasigut qinigaasunut Inatsisartunut ilaasortaataqalersunut tunngaviusumik tapiissutit qinikkanullu tapiissutit qaffanneqarnissaat, tamatumalu kingorna Kalaallit Nunaanni kisitsit akinut iluarsiiissutaasartoq malillugu iluarsineqartalernissaat, siunnersuutigineqarpoq.

Tunngaviusumik tapiissutit ukiumut 650.000 kr.-iniit 850.000 kr.-inut qaffanneqassapput, qinikkamullu ataatsimut tapiissutit ukiumut 210.000 kr.-iniit 275.000 kr.-inut qaffanneqarlutik.

Ukiumoortumik iluarsiiisuteqartarneq qaammatisiutit ukiuata aallartinnerani pisassaaq, siullermik 2019-imi. Iluarsineq Kalaallit Nunaanni kisitsit akinut iluarsiiissutaasartoq tunngavigalugu pisassaaq.

Nr. 2-mut

Partiinut, Inatsisartunut qinersinermi kingullermi Inatsisartunut qinigaatitaqanngitsortunut, kisiannili kingusinnerusukkut Inatsisartunut ilaasortap ataatsip ilaasortalluunniit arlallit sinniisuuffigissallugu nuuffigisaannut, qinikkanut tapiissutit qaffanneqarnissaat, tamatumalu kingorna Kalaallit Nunaanni kisitsit akinut iluarsissutaasarteq malillugu iluarsineqartalernissaat, siunnersuutigineqarpoq.

Qinikkamut tapiissutit ukiumut 210.000 kr.-iniit 275.000 kr.-inut qaffanneqassapput.

Ukiumoortumik iluarsissuteqartarneq qaammatisiutit ukiuata aallartinnerani pisassaaq, siullermik 2019-imi. Iluarsineq Kalaallit Nunaanni kisitsit akinut iluarsissutaasarteq tunngavigalugu pisassaaq.

Nr. 3-mut

Inatsisartunut ilaasortanut partiimiit kattusseqatigiinnilluunniit qinigaasimasunut partiimit kattusseqatigiinnilluunniit tunuartunut, kisiannili partiinut kattusseqatigiinnilluunniit allanut ilanngutinngitsunut ("attaviitsunut") tapiissutit qaffanneqarnissaat, tamatumalu kingorna Kalaallit Nunaanni kisitsit akinut iluarsissutaasarteq malillugu iluarsineqartalernissaat, siunnersuutigineqarpoq.

Qinikkamut tapiissutit ukiumut 210.000 kr.-iniit 275.000 kr.-inut qaffanneqassapput.

Ukiumoortumik iluarsissuteqartarneq qaammatisiutit ukiuata aallartinnerani pisassaaq, siullermik 2019-imi. Iluarsineq Kalaallit Nunaanni kisitsit akinut iluarsissutaasarteq tunngavigalugu pisassaaq.

§ 2-mut

Aalajangersakkami siunnersuutip atuutilerfissaa taaneqarpoq.